



Broj: 15-03-16-5-7-36/20
Datum: 13.4.2020. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 69. stav 2. tačka e) i člana 70. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi:

O D L U K U **o poništenju postupka nabavke**

Član 1.

Poništava se postupak javne nabavke usluga čišćenja kancelarijskog prostora u Regionalnom centru Bihać – LOT 1, objavljen na *web* portalu Agencije za javne nabavke Bosne i Hercegovine, Obavještenje broj 1110-7-2-4-3-24/20 od 4.3.2020. godine, a koji je proveden postupkom konkurentskog zahtjeva za dostavljanje ponuda.

Član 2.

Ova odluka će se dostaviti ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom donošenja.

O b r a z l o ž e n j e

Po izvršenim aktivnostima, Komisija za provođenje postupka javne nabavke je konstatovala je da je rok za dostavljanje ponuda bio 26.3.2020. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine pristigle dvije (2) ponude i to ponuđača „B-S SISTEM“ Servis za čišćenje i održavanje objekata, Jelah, Tešanj, i ponuđača EMMS d.o.o. Jelah, Tešanj.

Prema specifikaciji navedenoj u tenderskoj dokumentaciji, a nakon provedenog postupka analize ponuda i ocjene ponude Komisija je izradila Zapisnik o pregledu i ocjeni ponuda, broj 15-03-16-5-7/20 od 6.4.2020. godine za LOT 1, a u kojem su detaljno obrazloženi razlozi za poništenje postupka.

Zapisnički je utvrđeno da ponuda ponuđača „B-S SISTEM“ Servis za čišćenje i održavanje objekata, Jelah, Tešanj, nije kvalifikovana jer ponuđač nije preuzeo tendersku dokumentaciju putem portala „E-nabavke“, www.ejn.gov.ba, u skladu sa stavom 4. člana 9.



Uputstvima o uslovima i načinu objavljivanja obavještenja i dostavljanja izvještaja o postupcima javnih nabavki u informacionom sistemu „E-nabavke“ („Službeni glasnik BiH“, br. 90/14 i 53/15).

Komisija je takođe utvrdila da ponuda ponuđača EMMS d.o.o. Jelah, Tešanj, ispunjava zahtjeve u pogledu opisa predmeta nabavke, uslova kvalifikacija i tehničkih specifikacija, ali je cijena ove prihvatljive i kvalifikovane ponude znatno viša od osiguranih sredstava za predmetnu nabavku.

U skladu sa navedenim Komisija je predložila donošenje odluke o poništenju postupka nabavke usluga čišćenja kancelarijskog prostora u Regionalnom centru Bihać, u skladu sa članom 69. stav 2. tačka e) Zakona o javnim nabavkama, te je na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a što se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od pet (5) dana od dana donošenja ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR

Dr. sc. Arif Nanić

Signed by: ANANIC

дигитално потписано / digitalno potpisano / digitally signed